



UNIVERSITÄTS-
BIBLIOTHEK
PADERBORN

**DE VITA || ET MORIBVS IGNA-||TII LOIOLAE,|| QVI
SOCIETATEM IESV || fundauit, Libri III.|| Auctore Ioanne
Petro Maffeo, pres-||bytero Societatis eiusdem.|| Ex
auctoritate superiorum.||**

Maffei, Giovanni Pietro

Köln, 1585

VD16 M 110

Ignatius & cæteri Patres de constituenda Societate deliberant. Cap. IX.

[urn:nbn:de:hbz:466:1-68259](https://nbn-resolving.de/urn:nbn:de:hbz:466:1-68259)

rat, intra Catholicorum castraper frau-
dem aliquandiu versatus, cum religio-
nis ac pudicitie simulationem vltra su-
stinerne non posset, larua deposita, palā
fidei & continentie bellum indixit, at-
que ad optata hæreticorum Iusta po-
pinasq; se contulit.

*Ignatius & ceteri Patres de constitu-
da Societate deliberant.*

Cap. IX.

HAc igitur falsæ accusationis pro-
cella Ignatius socijque defuncti,
primum omnium (vt æquum erat) in-
gentes & vniuersi communiter, & sin-
guli priuatim egere diuinæ clementiæ
gratias: deinde, partim quod aliqui sub
inde ad Ignatij institutum aggregaban-
tur; partim etiam quod inaudierant, a-
liquot è suo numero varias in vrbes at-
que prouincias iam tum rogatu Prin-
cipum à summo Pōtifice destinari; vi-
sum est faciendum, vt de stabienda
quam maximè ad Dei gloriam, salutē
que animarum Societate primo quo-
que tempore inter se consulerent. ad
eam quippe diem, communi tantum
officio

officio ac pietate ducti; sine certis & proprijs legibus ac magistratibus vixerant. Ergo precationibus, iejunijs, & sacrificijs in eam rem quam accuratissime adhibitis, quotidianæ vitæ munera laboresq; ita partiti sunt, vt diurna tempora Dei verbo, consuetisque functionibus; nocturna vero priuatis inter se colloquijs, & necessariæ consultationi darent. Prima igitur nocte quæsitum est, utrum Pontificis iussu digressi, prout se daret occasio, suam quisq; sine aliquorum consensu vel respectu rem ageant potius, quamquam corporibus locisque disiuncti, animorum tamen conspiratione, & meritorum communione, vt adhuc fuerant, sic in posterū coniuncti esse deberent. Dictisque sine variatione sententijs, nullum fuit dubium, quin tam suavis, tamq; arcta societas, Dei prorsus munere ex tam diversis moribus linguisq; coalita, omni conatu studioq; retinenda foret, tū ne qua Spiritui sancto iniuria fieret, à quo diuinitus fuerant in eam consensione adducti; tū verò, ne concordie atq; unitatis bonū amitteretur, quo nihil est ad

res

res magnas atq; arduas moliēdas, & ob-
stantia quæq; perrūpenda, valenti⁹. Cū
hæc & alia multa in eam sentētiā in-
gēti alacritate & gaudio spirituali pro-
se quisq; dixisset, magnopere incensis
ad mutuam caritatēm & benevolenti-
am animis, cœtus ille dimittitur. Pro-
ximo deinde cōfessu de religione rela-
tū est, placerēt ne ad vota duo Pauper-
tatis Castitatisq; rite suscepta, tertium
perpetuæ itē Obedientiæ adiungere, &
ē suo corpore eligere, qui cæteris am-
pla cum potestate præcesset. In eam rē,
quod maioris momenti videbatur es-
se, diem proferri placuit, spatiumq; se-
orsum singulis ad deliberandum dari,
atq; interim instauratis precationibus
& sacrificijs, diuinæ sapientiæ lumē o-
pemq; diligēter exposci. Ut igitur eius
consultationis dies aduenit, omnium
in vnū congruēre sententiæ, quando-
quidē Christum Dominū ac magistrū
sibi pro viribus imitandum cuncti su-
sceperant, quoniam ille sese perfectū
atque integrum holocaustum Deo pa-
renti pro salute humani generis obtu-
lisset, prorsus oportere, ut ipsi quoque pro

pro suo modulo Christum effingeret; ac quemadmodum singulorum corporis bona per voluntariam inopiam, corpus ipsum per castimoniā Deo immolatum esset; sic animus quoque ante cælestes aras per obedientiam spiritualis victima caderet, præsertim cum hoc sacrificio nullum diuinæ maiestati gratius aut suauius esse constaret. Ergo sine controuersia deligidum videri, cui omnes in terris tamquā Christo parerent; cuius in verba iurarent; denique cuius sibi nutum ac voluntatem instar diuini cuiusdam oraculi ducerent. His ita constitutis, deinceps quæsumum de huius ipsius potestate, utrum certo dierum spatio definitam, an vero perpetuam esse oporteret. Perpetuā esse placuit omnibus, idque cum alias ob causas, quas commemorare hoc loco necesse non est, tum verò ut negotia grauiora, quæ ad conficiendum modo plenæ libertatis, verum etiam longi fere temporis indigent; leniter, & ex animi sui sententia posset ad exitum sine ulla trepidatione perducere.

Additum ad hæc, ut Societatis candidati,

dati, cùm alijs experimentis, tum vero
præcipue spiritualibus exercitationi-
bus, peregrinatione, & infimis publici
alicuius valetudinarij ministerijs pro-
barentur. Itemque, vt quicumque So-
cietatis instituta profiteretur, ij ad tria
solemnia vota, quæ nobis cum alijs di-
catis Deo familijs ferè cōmunia sunt,
quartū nominatim adiūgeret; quascū-
que ad fideliū vel infideliū terras Chri-
stianæ rei causa Pōtifici maximo ipsos
mittere placuisset, eō sine vlla tergiuer-
satione, atq; adeo sine vlla non modo
mercede, sed ne viatici quidem petitio-
ne proficisciendi. ac simul, concepta
verborum formula sese obstringeret,
puerili ætati per catechesim erudien-
dæ; quòd hoc remedio nullum ferme
efficacius foret ad intemeratam fidē
tuendam, ac prauæ religionis prohibē-
da contagia. Atq; hoc maxime quarto
voto à cæteris religiosis minima Socie-
tas nostra distinguitur. Hæc igitur &
alia id genus nonnulla per eos dies ab
Ignatio patribusque decreta sunt: ei-
demque Ignatio negotium datum, vt
ea in summam redacta, Pontifici Ma-

N ximo

ximo primūm Apostolica auctoritate
fancienda atque approbanda proponeret; deinde ut eadem ipse postea per o-
tium fusiū explicaret ordinaretque,
& quām accommodatissimas ad Soci-
etatis vocationem & spiritum leges ca-
nonesque perscriberet.

*Patres in varia loca Pontificis iussu di-
cunt. Cap. X.*

SVB hæc ferme decreta, Pōtifex Ma-
xiūmus aliquot operarios ab Ignatiō in varias agri Ecclesiastici vineas
postulauit. Id nostræ Societati fuit A-
postolicæ peregrinationis exordium.
Rainutio Farnesio Cardinali, eximia
spe summæ virtutis adolescenti (qui
multo deinde post, matura virtute vir-
Bononiensis Episcopus obiit) per eos
dies cum amplissima potestate legatio
Parmensis obuenerat. Huic, Pontificis
iussu, legationis comites, & rerū spiri-
tualiū administri duo, Petrus Faber, &
Iacob⁹ Laines ab Ignatio dati: Senas ve-
ro in Etruriā, Paschasius ad instauran-
dam sacri cuiusdam cœnobij discipli-
nam ab eodem Pontifice missus est. In
Aena-